

龍壁山房詩草

龍壁山房詩集卷十

已未集詩 戊午己未

馬平王拯定甫

歸自潞河科爾沁王軍幕詠我相國贈詩次韻奉酬

秋風灞岸客歸來海嶼頑雲喜暫開藩翰陳師思采芑機

衡持國望調梅早朝有句憐新詠 相國出示新刻松風閣丁巳年詩 橫海

何人想異才長魏書生負戎馬東南諸將起雲臺 時吳楚諸軍數

捷報大

代人題和碩惠親王受印圖次自題韻

威命前驅獲兩肩 河北肅清林鳳祥李開 中軍詩禮屬王

賢周家碩輔勤三握漢室神謨懷百全玉檢依然歸福地

印本藏 皇史 金甌何處舞刑天披圖河朔先聲在傾耳

歲今仍奉歸 東南露布傳

王以錫振嘗在巡防屬題卷尾再次前韻應教

赤舄丹心願永肩靈符自昔倚親賢奉命大將軍印爲我

多爾袞以人關者定禡牙九日霜旌健參贊科爾沁王以

京旗及蒙古凱樂三霄繡斧全築版煙塵收北地夾江金

鼓震南天休言從事多微淺圖畫還叨姓字傳

琴西外轉安慶守飲拱辰樓卽贈

萬蜩聲裏一樓孤樓影花光倒入湖獨客柳陰還繫馬故

人天際又分符皖公山色煙塵暗丹泝雲陰歲月徂門外

翠蛾知別否聊將尊酒對烏烏

王子懷少司馬茂蔭請疾奉贈

風簾官燭共蕭騷道光甲辰一擢臺垣地望高獨抱憂危

幾聖主欲將薦達盡蒸髦柴車叱馬心偏熱素髮青雲

首重搔漫倚嵯峒一長劍黃山白嶽尙同袍

過食筭齋再贈琴西

黃山老子早飛仙獨樂園樓柱曲偏長嘯仰天君又去幽
篁出地客誰憐秋風履迹蒼苔滿夜月詩情碧落縣退食
從今歸掩臥孤雲落日想茫然

碧雲寺

驅車過三山寶剎得初境寺門窈而曲龍口水泉歎松枯
蔽精藍人天逞華覲浮圖湧山腹玉立百重頂茲地本天
成迴環互岡嶺如何貂璫污于魏骨灰冷遠眺旣高明幽
探卽深靜靈源破山腋瀏液若漿醪槃池幾浮漚犂硯再
激騁夜宿就僧寮風泉鎮悽哽毋將邱壑戀悲響發新警
出處歎何常濁清要殊秉不觀彼腴削至德乃除屏

香山諸寺

向皆禁地自道光
朝屏來遂掌寺僧
凡聖本同域何方不清景江湖念平生
一燈記龕影

臥佛寺

天光發山淥翠湧海日嗽澹收朝霞色爛奪夕照痕幽人
先鳥興策馬度山村高尋窅堵波淨悅杪櫺根誰歟倦津
梁被衲長曲肱不知幾人代顛倒亡精魂想彼倦游意瞑
目爲昏昏朽木質已廢堅金道何存峭石立後壁清溪導
前源煙嵐一迴薄妍潤被欄蓀蜩語弄秋絲篠風動晨幡
歸鞍辭佛臥我夢猶塵樊廿載住京華山靈笑庭垣躋遊
必迴駕長媿鶴與蟻

壽陽師命題食符齋圖敬步原韻同琴西作

西域列城收一筭東壁仙雲張五朵羣仙官府日從容暇

或叅禪兼癖左激懷 賜廬池館清中有幽篁人默坐百
年蠹簡畱餘債合座質風碎塵堞自從此地爲傳鉢日對
星堂念歸炯世事浮雲變白衣年時苑闥閒青瑣孫郎傑
直修筠節賤子來過傷絮果圖畫欣同綠野開夢魂又感
滄江墮平生未及元獻遊猶幸坡饗識饒可甘泉夜捷書
頻至來復天心祝旋輟異時儻問竹閒誰舊事定求門外
我

慈仁寺四柏槐詩步壽陽師韻

慈仁雙松傳自昔化身今作龍彫三當時鱗爪問誰見旁
有翠柏槐疎藍柏槐端莊偉丈夫問年髣髴齊老叟看松
有客日來往古貌鬱鬱無稱談巍峩直榦碧雲上蕭瑟美
陰清颺含世人榮觀競桃李華豔炫鸞材豈堪壽陽退相

獨愛惜頻來拂拭歌乘酣柏槐自此張去聲圖畫離立鬢鬢

飄飄穆冠劍莊嚴古尊宿世祿後起三松慚東園角里本

寂寞漢殿不招情所甘疾風落葉天東南懸瓠大捷行飛

驂時平鎮物要耆德一灑壑欲銷陵貪柏乎槐乎國有式

我分瓠落棲瓢庵

寓廬有古瘦槐

寺中有張詩舲侍郎畫雙松圖亡之久矣侍郎又補畫

之同子貞與壽陽師倡和柏槐詩俱懸之壁復爲偷

兒捲去壽陽和詩及此因疊前韻

吾聞飛仙妙手祇一擊有道那可容再三山僧癖癖不謂

疥重爲素壁悽迦藍雙松之圖法華筆柏槐又貌鏗與朋

猿公作字乃猿臂大書奇句多雄談戒公拈花胡不戒旁

有匿笑情先含虞壁懷藏慢豈敢周末刈取頻能堪縵執

亭長久遊息松風坐愛龍吟酣引閑老鶴忽飛去零落片
羽霜毛穆老僧出迎卻睨壁瑟縮未語知神慚古來名跡
恒賺奪通靈書畫一笑甘北山之北南山南象王立教遺
駢駢探囊拏篋且清晝正擬剖折恣狂貪妙書名畫出手
無盡藏詎惜淋漓水墨遍汙松花菴

八月廿一日繡山偕穎叔招陪壽陽師相集慈仁寺分
得盛字時戒公新構見山閣落成是日漁洋生日也
高臺墮落狴飀窟山人發願勤畚揭朝來一角見西山送
與詩人豁塵目明窗淨几淩虛空俯視城郭煙濛濛雖非
平地起九仞要自艱難瓴甃一一同愚公九天樓閣華嚴
迴彈指天龍見情性古來寒餓多苦心開代詞宗獨華盛
壽陽相公今斗魁避賢無地築樓臺箕張角觸自生世獨

與山僧尋草萊

歐齋夜讀歐詩有作

一誦明妃曲古音世所希紛紛顛倒耳目事何用萬里夷
狄爲再讀平戎操我心更悽惻當時有事獨無用有策胡
爲匿不出滁山高高滁水湯湯琅琊尺幅懸中堂翁時年
厯四十強一麾乃在山水鄉巍峩節概雄文章我今年亦
踰強仕位業蕭然媿當世多生文字只情溺二頃桑麻問
誰置憶昔單車論蜀行相如作檄悔論兵秋風灞岸重迴
馬壯士有懷空請纓門前花葉宮湖滿日夕香風清露渥
五年金馬日棲遲抱葉寒蟬意蕭散秋聲夜起湖陰曲一
炷鑪香還夜讀何當歸買營洲田鷓鴣聲中閒叱犢
葉潤臣索題錢南園御史畫馬遺筆

丹青曹霸世不聞太行鹽車折蘭筋南園先生古烈士畫
馬畫骨筆有神老樹千年繫作椿虺隤赭白疑堵牆平生
幾許英雄淚隼立三山鳥啄瘡顧影雙駒忽驚寵肉髮眉
巋連錢動楊柳春風齟齬閒玉勒金鞍想飛鞚先生畫馬
非是馬漏痕釵腳俱心畫朔風吻裂仗歸時骨慄青蒲赤
墀下傳聞先生因和珅言以本官御史直軍機處每具朔風嚴寒而先生清貧衣裘甚薄實坐病焉
立秋後三日集慈仁寺次壽陽師韻時子懷文新請疾

琴西行有日矣

積雨散殘暑新陽曠濶塗幸逢沐居暇官使遊興孤僧院
本寂寥佚老宜康娛高賢每貞疾標運孰良圖茲地厯前
朝當時寓魁殊數從簪裾集重感歲月驅文藻枉自矜志
業惜且淪微生笑頽唐思欲長趨隅征鳥又霄雲浮塵悲

市衢時方廩霜雪分豈判姝濡誰能座閒釣對食懷江鱸
重九日沈少司農招飲直廬賦謝是司農生之日王月
川觀察自津來也

玉清池館苑林隈上客停驄亦壯哉華嶽星辰歸冊府

司農

會視學秦隴收
藏碑帖最多

淮安鷄犬住蓬萊高詞幾見鄒枚侶覓禮

深慚屈宋才

月川昔亦
同官戶曹

何處登臨更巍迥五雲多處接三

臺

寄何根雲宮保兩江

先朝供奉謫仙人三十卿曹冠絕倫江海一麾雄節度東

南全壁重經綸春風鱸舫飛天上夜雨鱣鯢泣水濱未解

戎機隨魏絳鈴齋空憶二毛新

時星使赴滬濟者欲
辟同行未能往也

答子懷少司馬見酬原韻

從來天性出風騷一譜陽春自調高異日文章徵諫草當時衣馬笑英髦幽憂有癖憐塵俗夙疾無端本蚡搔我亦江鄉美鱸膾十年惆悵對青袍

杜黼庭孝廉

壽朋

出示詩草

君家才調古無儔爲有凌雲載酒遊世事鶯花還郭曲人生風月幾揚州天涯羈旅聊相慰鄉國煙塵苦未休我已鬢絲禪榻倦論兵談槩愧風流

奉和壽陽師相登慈仁寺見山閣元韻

我生不見毘盧閣小築憑高喜見山人代自驚雙樹老僧迦獨覺百年閒深林返景能相照絕壁青雲好共攀門巷雪晴車跡隱甃來陪從惜塵顏

寒夜讀端木子疇孝廉

琛

詩卷題贈

庭宇蕭條積雪明小窗爐火坐深更百年素業歸文史五
夜餘光戀燭燼每誦南陔生涕淚底須東郭負聲名遊塵
莫問平津館彭戴門高四海輕

繡山同年招同朝鮮李亦梅暨潤臣魯川譙集韓齋出

觀戴醕士侍郎

熙

畫寄山水小冊分得墨字

婁東之筆南田墨近百年來好風格遠緘小紙寄京華歎
絕當筵海東客念昔南齋供奉時嬾嬾列屋盡蛾眉江海
風塵累宵肝湖山天放此盤嬉

奉寄桂林勞星階中丞

崇光

一從星火度崑崙繡虎璋牙老玉門嶺海六州推士燮風
雲一榻笑陳蕃伏波舊宇山蹊固畏壘他年俎豆繁誰爲
小邦愁寡弱殘軀探轂是雄藩

坡仙生日邀同人集舫齋

急景寒天欲歲除爲先生壽亦相娛心香瓣祝如公在腰
笏風流定我須磨蝎當時關世運騎麟何處覓神居惠州
禪室曾相訪丈室天花笑未除

謁壽陽師值消寒小集出示道光朝

御賜仇英畫梅

花書屋卷分得也字

昔觀營邱圖神往孤山下異代擅丹青山邨妙摸寫長繖
展厯落古色致妍雅人物劇清華川原紛豁閭連山引叢
薄曲隄分秀野松篁濃染黛楓柏豔施赭竹閣跨溪來蘋
波絕除瀉水邊疎影雜籬落橫枝冶伊誰坐窗櫺想合置
杯綽潺湲響幽瀑杳靄浮寒瓦花香忽髣髴雪意定飛灑
畫師本吳趨茲境宜渚者不然縱金碧那得劇媽姪侍從

記承平簪裾數恩暇頽來石渠秘畱伴洛陽社急景百緣
賒深廬一樽把婆婆尙京國躑躅每波若山林孰畏佳神
鬼厭魑魍其閒渾宜築欲置知誰假展謁茶串馨流觀燭
花梅後堂欣草具竟日忘塵堧州步話猶閒師於酒閒爲
過九平洲
看梅江鄉夢殊惹多情懷范陸盛日宜枚賈玉雪倘連編
題詩慚白也

煤鑑得炭字

我聞天地鑑造物陰陽炭綠何遭時艱倏已迫歲晏書堂
擁氊席布屋裂單幔伊誰陶家埴宛爾博山觀承天頤朵
輔據地鼎駢臂氣醖遂炙薰稜隅儼風岸名原範金貴體
比琢玉燦厥質乃塗污誰能善攻鍛纖兒本中熱嫫母背
下爨浮煙疑雲蒸投石驚雹散居然位執橐遽爾勢通燼

臍然鵲檠短而爍園瓜爛猊蹲耳又帖鵲眇目先亂炮堪
鍊獄興箸儼撥灰算神柄許炎炎鬼薪愁旦旦主人眉恐
急孤士背爲汗一朝防甌墮何物利金斷榻方惡客舛寵
復妖姬粲觀雷家屢瞰畏火民能翫短景急崢嶸孤懷益
悲惋僵眠身任屈避蟄骨多慙乘風思煬寵雨雪分捐扇
所期長烜赫誰弗樂浪漫中宵商陸添獨起明星歎

臘粥限八字韻

世涂逆舟屹年序走車輦朋交晨宿零佛節霜風戛一官
棲帝里數口比僧刹頗傳七寶靈聊效雙弓軋天倉頡豆
麥官楮易茆桔甘和稷黍稻芬錯欖椒檄芡菖盡紛拏棗
榛頻剝刮滌新到七鬯辟惡用蘇葢寒泉宜汲鮮沸火愁
鳴蛩有時瓢飲一何事簋陳八盈甌雪花腴合座糴香滑

翻匙見晶瑩辨舌聞喫嚼飢甯虎視耽哽學駝鳴圓朱頤
嘲飯顆動指笑羹頤經文紛餽餽俗物鄙腥膻何勞醪鼎
鯖大類祭淵獺翁嘗忘淩凜兒飫定娼奴馨疑竊脂藥煖
或謝貂豹慨時匿候糧爲患久羆褻練衣誰扇交榆屑獨
琴拈釜餉困鄉閭棚施慘癥痼食糜帝子駮纏齒酋王黠
蕪蕪孰羹遺商陸少精刷繫余拙生謀與俗苦塵圻羅闥
憶窮薄佳設厭啁晰明朝買脂餒往事笑鞞帕安能長依
飯一飽竝塊圯

郭筠仙翰林

嵩燕

將從科爾沁王備兵津門有贈

玉堂供奉盡翩翩賀老何緣識謫仙

筠仙以新城陳大司馬之薦故有是行

海上孫盧徒暴客禁中頗牧幾仁賢春寒甲帳千璫雪口
暮丁沽萬井煙聞道王師高不戰想君橫吹意超然

再贈

隋珠荆玉致聯翩往事迴頭便若仙
一去孫登愁我獨重逢郭泰越時賢
兵戈激宕都疑夢書劍飄零恐散煙
我媿賢王舊參佐從君無力駐蕭然

人日集韓齋晤朝鮮李君藕船自誦其句意頗倣儻因足成詩卽席贈之

上日精廬對舉觴誦君佳句思蒼涼
大開酒戶迎春氣高擁書城送夕陽
西邸風流自樽俎東洲人物獨冠裳
天涯握手勞相訊且莫騷吟惜鬢霜

壽陽師惠和前詩緇生孝廉亦有所作疊韻再示藕船
醉倒年年海客觴話深觴面不知涼
停橈幾度經巫峽用斯人李坐井當時笑子陽
千樹榆香清島服箕子教民樹
檢食葉見藕

船詩

一龕梅影麗仙裳

高麗築梅龕以供詩人吳蘭雪品像號曰詩佛見香蘇山館集

題不數雞林客未負林邱老雪霜

國中申紫霞能詩自題與其子命準命衍合臨

香光書畫卷句云小藝一門關性命此中小隱當林邱壽陽稱之

藕船命酒自言十與賓貢行將不復來矣再贈此詩

鳴江春水碧于天十度行人載酒船無限夕陽還處處多

情芳草自年年勞生遲暮俱多感上國委蛇盡風緣解得

河梁斷腸句雨絲風裏落花顛

藕船渡鴨江句云無限夕陽遲暮感有如春水欲歸

心又句云春水如天人去也落花滿地獨悽然

奉題霞舫同年先甫蜀闢遺墨卷即贈

寶墨扁緘歲月微越州書冊展重欲交遊似我真同澤世

路如君又拂衣楚國山川珍宰木蔣山風雨壯靈旗閒身

乞得初心在好覓先盧舊釣磯

緇生持示所爲授硯圖詩爲其子元作也次和

元朝得子詎言遲又見春燈上學時

君子以元夕上學

重喜

卅今能受硯定知老子爲添詩世當標季思文武家有淵
源出父師隣舍長頭看老矣楹書珍重望生兒

聞翰臣凶耗殆數月矣愴痛不能爲詞豫章人來述其

卒後夫人殉之先成此律

紫陌看花及少年平登方岳未華顛交遊我豈當師魯溫
飽誰能擬孝先戎馬崆嶠偏世運文章淹雅亦時賢玉樓
遺憾真如海淚盡洪州又鮑仙

喜虛谷得新樂令並寄抱潛南皮

待詔東華玉貌時淋漓豪氣欲何之聯翩小縣栽花地牢
落清才唱月詞卓魯盛年俱茂宰漢唐遺教屬嘉師寒蟬

日抱宮槐影笑殺黃綾夢一池

送李申臯禮部榕奉檄曾侍郎軍子懷席間作

湘鄉司馬出羣雄義旅親提七載中天下安危幾人在日
邊談笑昔時同遠聞倒屣求王粲近接開樽愛孔融到處
河陽盛戎幕宮僚愁寂酒徒空

禮部分校次聚奎堂壁間韻

鎖闥同舍拜

恩深

林穎叔程覃叔兩君
樞廷同直同拜此命

奎壁當年

玉趾臨

乾隆間
詩今刻至公堂壁間

御幸貢院有

日下參辰齊在列

同考中
大魁者

直書房者籍諫院者
直樞廷者皆各三人

春來桃杏又成林中天文物風斯盛

隔歲軍書夢易沈

去年與考差日奉派隨
科爾沁王備兵潞河

廿載褐衣塵土

在官簾風燭尙驚心

分校將畢靜俟揭曉偶成二律示諸同人

東風料峭。春寒鎖院。沈沈春易闌。洞口桃花應自笑。牆根榆莢。忍重看。鬼車嘲哂驚隣舍。
所居簾舍間向有異僕輩輒夜數驚禁之乃已
官韭青蔥。戀食盤。爆竹溼薪。吾厭早夜牀。譚藝夢都官。慘綠荷衣。問熟師。長安新榜萬人知。尋常言語。思先輩。潦倒芳華。悵後時。一代文章。懷潁洛。百年霖雨。祝龜著。
時望雨甚

詰朝綾餅須歸。遺詫與他年脫襦兒。

獨山莫子偁

友芝

年五十矣。來試禮部。僕聞中得其卷。

見其經策清澗。斷爲宿士。惜薦未售也。撤闈來見。攜示所著邵亭詩集。長句贈之。

黔溪萬里出牂柯。三十年來老策科。得意漫夸花紫陌。論才直合草金坡。劉蕢風義還師友。李廌文章未謬訛。呼起九原蓮博士。買羊沽酒柰君何。

謂吳蘭雪君辛卯鄉舉房薦主也

陳凝甫試禮部卷在余房亦薦而遺於額榜發未及相
見杜君黼庭來道其歸因寄此詩黼庭與亡友彭子
穆者皆與君夙好也

彭鏗解脫最酸辛杜曲何人獻賦新常恐風塵孤薛燭詎
聞騏驥失方轡孤筇落照仍千里老屋荒江又幾人夜半
陰符重發篋天門談蕩好騰身

子偲奉所爲詩執再傳弟子禮謁壽陽師師贈以詩兼
寄遵義鄭珍子尹子偲次韻奉酬竊亦效顰

談詩癖愛後山陳箴引韓黃有逮津底事文章關世運從
來警歎發天真高名詎合稱羅隱僻學還聞竝尹珍我本
荒莊慙舉確終南嵩華始移人

廟簪高齋舊迹陳大方落落幾知津清時北學風流盛獨

力南能氣誼真浩蕩江河流孰挽摧殘兵饗道彌珍卽亭
寂寞縵褫老奇字當時問幾人

筠仙來自沽營畱飲時科爾沁王津沽擊夷大捷也

漫將拓落侈交遊老屋空庭竹樹幽

君昨寄詩有王子富交遊所得必奇偉之

句世事茫茫原對奕人生落落幾浮漚從軍佳句思王粲

橫海高名起秭侯駐馬銜杯須盡飲那堪懷抱向山邱

時聞

芝房新死

董梓亭吏部

作模

以凌山策騎圖索題卽贈

越女相逢錦瑟旁經過孔李漸華蒼崎峯世路憑誰料歷
落身名歎子强萬里天山疑夢寐百年人海問行藏王師
渤海傳新捷可憶當時短後裝

九日請壽陽師子懷丈湘芸穎叔孔繡山玉雙兄弟莫

子偲孝廉讌集大慈仁寺步壽陽韻

一樽何必問黃花座客風流抵孟嘉菊徑漫憐秋色晚松

關常愛夕陽斜高巖深谷畱銘迹續山攜所藏漢循吏洛陽令王稚子石關拓本

請壽陽黑水紅厓話磧沙子偲時作紅厓碑詩以碑爲馬貢導黑水故蹟謂盤江是黑水

發源據漢書註黑水愁對山僧遺斷偈登臨隨處足巔涯神祠爲證余甚避之

寺僧戒學新化往嘗爲偈

子於壁壽陽爲足成之

子偲孝廉和詩觸擬我懷適壽陽師亦示疊韻見酬之作因復次和時聞桂林警報城守危甚

鄉園秋滿一籬花勝日清遊似永嘉萬里歸尋牙纛側廿

年虛負角巾斜遶空望斷孤鴻影撲地驚迷短蜮沙淮浦

烽塵絕滿滄辰山癸水又濱涯

至日邀林笏邨太守鴻年及子貞陪壽陽師集松筠菴

崢嶸歲月忽相催，雪意風高勒復回。
愁見五雲曾獻物，驚傳六琯遠飛灰。
文章滄海知誰在，天地冰霜獨我來。
猶有禁寒松竹意，鄉心愁問嶺頭梅。

直廬待雪未成，奉懷穎叔侍御，新自樞垣，擢臺諫也。
晨朝喜見同雲合，日暮空愁集霰飛。
翠袖許教千喚出，紅巾還解十重圍。
幾年袂被親同舍，今夕篝燈獨掩扉。
驄馬街頭行步好，空林孤鶴亂鴉歸。

聞葉潤臣觀察官歿杭州

橋南老屋數經過，一別黃鑪渺逝波。
四海彥遊還問訊，百年喬木足悲歌。
鵲鴿原上愁真絕，鸚鵡洲荒恨若何。
明聖湖邊好埋骨，孤山應愛石盤陀。

楊性農書來屬訪子偁消息卻寄

楊侯家本桃源近一過津橋遂挂冠退賊當時擬黃憲論
交何處得方干洛鐘霜應尋聲易郢曲風高屬和難惟有
修文幾豪快二龍淵畔涕洟瀾

直廬獨夜

掖廬如水傍層霄獵獵霜風送晚潮孤吏守窗人寂寞亂
鴉翻樹語啁嘲坐看涼月移階影問似空山臥擔樵飽食
官廚行負手料應雙鬢日凋蕭

壽陽師相示與常熟翁邃盒相國酬唱諸篇賦呈一首

次卷中粉簞韻

卅九已龍鍾五十矧又半賤齒今年四十有五百年遽斜莫昔賢早

驚歎迴思少小時歲月幾堪玩因循日卑老精力坐亡散
城南兩斷輪老作神仙伴眼中平世事今古閱昏旦

先皇奏雲門當日竝香案退休倡復和風雅秩不隲壽陽

本師門廿載親漱監常熟司農長昔役請得緩

選倉州國在戶部月

派往滬濱會辦稅則以辭邀免

頗聞古誼敦忠亮日月貫時難百事棘隱

忍就衰悞歲寒雪霰慳閉戶熾鑪炭幾時鼓陽棗宇宙一

遠館鰥生更尠疎眠甕夜不暝相看媿典型體弱仲宣粲

子偲惠題拙詩一首次韻奉酬

仕學日蹉跎規爲早摧放微生感霜桮長路入煙莽孤聞

昔墟拘晚景復道長風期從兀傲文字職漫漶聞道之

門譬若息在襁測蠡雖有見捫燭欲誰仰冥行知擿塗變

節敢啗響五年違省郎萬里馳戎鞅嬋嬰紛捷足貪黠盡

高掌迂生能百一弱去又三兩

比年師友彫謝者多

棲棲行蟄閉默

默孰瘞痒君文昨冥搜相得儼同吭何期締香火無計脫

塵埃造門對歔歎延座色慨慷彼時師何說如子我所做
高門遂鴻軒謂壽陽師羣彥各鳳想南齊諸公頓忘翮鳥曳欲
奮鱗魚上末俗悵依違知交愛靜謐坐言將起試持論媿
虛枉毋爲貢父譏猶憶學齋曩

擬古

客從故鄉來道我故鄉事聽客語未終悲傷淚盈背憶從
我雙髻鄉閭正平世薦紳屢世澤農畝百困積令尉好客
臨家家喜迎伺歲時相慶勞酒肉頗薰熾迴首二十年遭
時大顛悴還思俗忠厚遑咎習輕侈車馬重來歸荒邨起
蛇彘川原始嶠負城邑漸高幟將帥弗調良耜耨轉兇肆
吾謀多弗遂戎幕媿身厠黃金北斗高豢賊最奇思衣裳
餘倒顛陵谷乃更置昔日富家郎流亡僅衰穉潭潭節府

重遺構穴精魅閉閤尋瓦礫蓬稗溢宸肆穰穰少子遺纍
纍但枯骹哀哉我與客飄流各名利艱難少至壯所歷詎
料是

東南厭兵革厥費肇邊鄙鄙人昔椎樸官至縮如蝟骹法
自貪夫資緣墨胥起交征馴攘奪盜賊遂囂視瘡痍重脰
削荒落任狐豕橫野數輕客常時本隣咫尺一朝羣帕首輒
暴及州里邨墟尙團結城邑動破徙吾郡夙雄軍健兒多
敢死何時徵調竭居又乏儲時年來數強指蹴踏萬峰螳
象邑十餘城城盡如燬礮雨霽煙昏長蛟跋江水頗聞
童汪踣裹革不旋趾可憐彼官司畏匿面如紙由來坐此
輩養惡致興瘡不然金田村賊膽何由肆

湖舍羅池上我昔曾釣遊馬矢壓花宮能毋鬼神愁赳赳

百夫雄本昔揭竿流誰令虎而冠招來鷹在韝其眾羅干
百猱獬獬豺有時頗擊賊媿我羣兕鏊城闕使居閒解
之乏良籌飽附饑食人若能身束修橐藏既罄如能弗事
賂賊東家翁頭白西家兒鬢髯牽來各閉置嗒若魚中鉤
翁弗禁撈掠昨宵赴冥幽兒金未當贖夜已充衾裯哀哉
兒高門父母所喚咻翁昔爲孫子飯蔬冬無裘牀頭窖黃
金身死還見按園池幾營構棋節爲薪樞官喪過弗聞薦
紳忍其羞但令甲授陣敢惜瘠暴溝君門高九重倉猝誰
之謀時變事多殊瑣屑焉敢讎

從來城守堅賊恨必大至萬死與城存而城竟亡矣吁嗟
我江城高牙夙嚴衛如何兩渠間骨髮委填積傳聞方絕
食官民相泣誓櫪馬夜悲鳴青煙起寒吹烹魚雀鼠盡敝

革煮相遺皮骨慘而觚析炊供喂飼樵蘇日月斷井汲又
枯隨咄哉背城師朝食忽謹緹衝鋒努力羣醜輒奔避
如何師徒出望援空裂昔平時擁牙纛誰歟彼盟帥危亡
眾所屬望望全軍逝朝廷高爵級專闢所付寄豈惟弗趨
救直忍自拋棄十年用兵來師律孰先敝人思參肉餐我
欲寮尹肆

老夫亡其妻窮嫠又失子常時繫心骨宛轉相棄委玉雪
誰家兒竄身荆棘裏天明迷道路霜雪慘肌體道逢佩犢
人顧盼忽生喜呼兒子生馬顧使執鞭箠弱者遺草間強
斯遂羸弭飢腸肝人肉變作虎狼子朝聞破官軍十百踏
其壘暮夷何城闕屠割到嬰姦男兒少方壯猛氣敵虎兕
強梁習童僇暗啞孰當抵可憐州家軍疲老日轉徙經年

缺糧精骨立久銷髓殘軀不能戰剽掠又輕駛問軍胡爲
然求緩須臾耳饑寒與禦歟作計乃均死誰能如楚尹戮
一貫三耳

左藏早虧竭拮據到關椎國中又四郊持竿盡握甌江湖
久乾旱災祲又螟螣去年履畝餘箕斂又今作軍中責轉
運官豈爲囊橐富貧貧者死骨血任敲斲敲斲何敢言斯
民甚忠懇誰知剋心肉爾乃事酒樂玉貌錦衣郎金鞍騎
六駿金張本家世光彩甚卓犖清晨謁中軍晚出大歡噉
第聞前軍捷籌運秘帷幕明燈宴如澠號令走雷雹歸來
百阿殿計日有佳擢小人幸葭莩茹拔盡優渥歌兒頭錦
纏揮斥罄山嶽吾軍蟻生甲菜色忍桑蠋而官計銷銖相
對情殊邈羣饑走何之鋌鹿能反角足寒傷人心朝涉何

勞勩

曲突本無功焦頭亦何爲軍行有僚屬忼慷當軍諮玉帳
罷朝參疏頭筆如飛賢王朝而縛京觀夜陳尸傷足者先
登洵呼盛前麾候糧與書檄難險各追隨或爲關內侯或
資羽林兒或榮施紫貂或貴曳金龜君恩誠浩蕩王言出
如絲軍中相慶樂悠然執冰嬉豈無關中將草間曾失遺
匈奴恨未滅臨觴覆其卮別將向賊中艱難棘榛披銜枚
走深雪中夜賊壘厠數戰沒前茅先行亡健兒誰令失轉
餽又不得援師刈芻藘其根飲馬渴爲糜經歲頓重圍殘
軍坐失期何如棘門將有酒斟酌之不聞從軍樂但問所
從誰

旄頭百丈雄帥節青雲高驍奇本偏將枉使牙纛豪朝官

走相謁投筆盡班超關茸大藩吏轉面還相朝帳前別將
軍出入帶弓刀位尊命乃重深拱日逍遙計從再起躡意
氣凌嵩喬軍中日佳氣樓閣出蜚蛟陋哉諸侯壁日飲投
河膠艱難事版築曾不得嫖姚日暮落旗門中軍夜寂寥
明燈亂銀燭帳底曳紅綃赳赳王渾邪書至願屬僚輪誠
又夜郎景附不待招龍鱗與鳳翼翕習盡金貂亦有窮途
士來歸藪逋逃趨承片語合薰沐不崇朝果懷左車策同
建衛霍勞大功方築第安論百石椒哀哉上東門長嘯淩
衝飈纖兒生白眼感歎過津橋

人生皆有死鴻毛或泰山男兒馬革尸爭似活草間壯哉
勇盤腸烈或碎首頑舌殘猶罵厲咽絕更心堅豈無巾幗
雄裙裙纒相連亦有與臺義頭顱同血濺大節矢成忠培

滋由百年柰何有科格往往事拘牽死哀長已矣生者賞
弗延我聞申韓術名實紛糾纏承平久衰敝胥吏窟金錢
身爲血髑髏刀筆猶剗鐫秦法旣相習漢章孰敢專不聞
斷能行賊狂勢滔天殷勤持密網吞舟漏蜿蜒亦有一瞋
豪不惜萬事愼何況首鼠輩濫辱仗節賢偏能游魂污綽
楔愧幽泉我有平生友生時百行全崎嶇戎馬中不得軀
命捐艱哉鞠躬義雖沒久風煙弗如鷄鵲祀枉作精衛填
至名不爲名萬口能流傳

前年戰桑乾今歲河北道關山惜奔命將率各衰老昔人
重守關巍峩幾城堡指揮英雄士機疾若風掃堂堂大都
邑頭足急相保參商又列將江湖遂如燎哀哀塞垣卒得
遣已殘腦十人九傷病面目各黃槁馬骨三山峯來時盡

騷裏此誠百中特性命一再造道出舊軍門陰風聞怪鳥
南胡流血地顏色野花好日落青松陰殘灰餘骨爪叢祠
依廢壘神鬼互敬倒堵牆荆棘中遺挂尙青縹標識存名
姓不知何蠻獠亮時袍澤人此意豈相掉風雲愁黯黯恐
或亦溝殍鄉閭程百千生死未分曉傳聞卽疑信親戚望
歸旒可憐老弱存入室誰竊窺黠哉沐猴兒歸去獨壯佼
雄冠耀鄉里豈特食肉飽男兒慕侯封作計愼須早生當
狼居胥死卽田橫島

束帶爲民牧儒生誠懦良十年事詩書夙昔慕軒唐筆耕
視爲田豈習菽與梁斯民幸直道迂懷感如傷大府行邊
來前驅猛豺狼前庭備供帳後戶陳酒漿威儀盛車中乃
昔同舍郎富貴出天姿敢惟一日長不見後來者行費盡

新章軍中又積勞年力正方剛支離老儒酸臍喘重踉蹌
誰令任衢衝軍法不可當昨者隣東縣縣官身被創洶洶
羣兇鏖箕踞鳴琴堂投劾舍之去西邑獨項強官錢乃積
逋除名繫銀鐐吁嗟古司牧此職聖所詳如何九折坂騏
驥不能釀白馬青油蓋伊誰獨生光盈盈府中趨晚出劇
慨慷慨揮金似流水湍決自有方軍行九陌過意氣殊揚揚
歸來大勞苦珍食羅幽房腰間青珊瑚笑擲邯鄲倡窮黎
歎中谷背面血流眶安知翁媼衰身死弗得喪由來國有
立此輩孰短長

昔者朔方兒兵戈死不厭沈雄幽燕將矍鑠多健飯承平
百年間風氣乃輕變期門羽林豪酒食日酣豢一朝聞黜
行骨慄氣銷面黃緣百端習巧黠成懦慙則豈三山雄殘

圖 卷一
三
凋夕陽爛當時組練出飲虎何猛悍行軍兩司馬伍卒自

差選古來軍禮中遺法蘭陵傳荒隅羣鼠輩此意孰與檀

天意幸殲賊形殘死江澥粵賊頗知什伍有兩司馬之月賊渠馮雲山所爲也馮被擊死

全州咸豐二年夏事蒼頭起熊湘卓犖羣才彥師中聞有律所向輒

鋤鏟團保說經年因循眾修變誰能讀官禮連軌識流轉

戡亂果有人吾方不欺謾從來霸王資匪獨利攻戰州有

大夫賢裁冠儼風岸微言善齟齬論事百銛間迂談笑老

生勦襲事書翰勞人又多費黨惡豈有善畸人愧謬悠所

學未稽貫榮資不貂蟬又不事弓彈衰庸宜隔下侈口徒

卑賤不聞飯牛翁衣短裁至骨

庚申者更生也鮮民之生不如死也久矣而幸生焉自少而壯而旣老矣瀕死者數又數幸生夫生有生之樂而獨諸苦生固不能愈於死也又且弗能有生之理與生之事則生豈獨不愈於死抑不如死且又不可以死何也五十無聞審不足畏有生猶贅而况區區枝駢文字乎哉歲自庚申厥時維秋海水羣飛漂若鴻毛卒然以脫一星載周庚庚辛承泣出無聊申旦優游夕有其修爰自庚申至於庚午所作自號曰庚申集續於己未以煩手民鋟諸木者歲壬申也龍璧山人自敘於桂林之萬卷山房

龍壁山房集卷十一

庚申集詩

庚申

馬平王拯定甫

壽陽師相示九九消寒圖命賦次韻

圖爲道光初年

宣宗成皇帝御製亭前垂柳珍重待春風九字字各九畫
適符九九之數飭懋勤殿雙鉤成幅懸諸屏風題
曰管城春滿南齋翰林按日填廓於每一畫中悉
注陰晴風雨歲爲故事師相年來致仕卧病之餘
猶仿爲之不勝天上人間今昔之感爲圖得詠用
志不忘時庚申春首也

管城春色最鮮妍九字流傳卅載前載筆南齋成故事洗
兵西域記當年昇平溼髮兒空長耆宿高吟夢亦仙倒指

春來解金甲東風橫吹柳絲顛

庚申禮闈重與分校再疊聚奎堂壁間韻

經堂香火結緣深插棘春來一再臨東壁星雲開 聖節

南宮梗梓望新林何期勝友重并合

去年同事人重與

聊爲麤官

洗鬱沈廿載識塗成老馬論文辛苦抱初心

闌中大風嚴寒再疊前韻

地爐愁擁屋廬深鬢策風威夜又臨春到百蟲寒抱蟄人

如片月澹依林消磨文字身將老拓落江湖夢屢沈感逝

懷人兼惜別

謂翰臣琴西及穎叔也

論才珍重百年心

孫稼航侍御

楫

屬張子青畫八友圖次自題韻兩君皆

去年同事也

禮闈恩榜慶重開勝地平生得幾來碎錦蠅頭還覓句

試卷

未進同人例以集
錦紙幅互相乞書

疎籬鹿眼又分杯

兩年與稼
賦比屋居

看君舊學

修門伐愧我殘經
刷草萊持與年年
桃李看蒹葭玉樹
笑

丰裁

圖繪
入松

闌中分校將畢微雪新霽
奴子偶摘庭中杞苗充饌得
四絕句

霽雪微陽院宇深
春來榆柳漸成陰
東風昨夜餘寒在
飛絮飛花無限心

年年簪橐飽廊餐
腰腳侵尋惜健頑
杞菊山中原故物
敢將藥籠託園官

藏神頻夢蹴蔬羊
藜藿平生未改腸
癡絕何曾愁一箸
聞胸能有菜根香

到處舅胡采芑行
千邨萬落長荆榛
寒莊闢得新鉏隴
不

種薇蕪種蔓菁

莫子偁陳凝甫重放禮闈而楊汀鸞

傳第

今年亦余房

薦行將出都招同楊湘芸尹荇農小集寓齋並餞筠
仙供奉歸里

鳳城春盡未銷寒滿酌深杯勸倚鞍門外烟蘿花事晚天
邊魍魎客行單卞和有璞還完璧神武何人又挂冠歲歲
樽前念鱸膾秋風歸去獨張翰

慧福寺看牡丹

苑牆東與梵宮鄰花事來看百感新絕代有人傷暮景仙
雲何事落凡塵江湖莽蕩風埃劇簪珥栖遲歲月頻只合
僧園閒啜茗淒迷香色送青春

尹荇農侍御

耕雲

獨遊西山詩以問之

太行修尾越渾河別徑仙雲隱秘魔爽氣有人頻挂笏壯
遊聞子獨捫蘿青山白塔風塵遠玉砌金鋪涕淚多猿臂
輕鞍好身手歸裝愁被灞陵訶

翰林吳生

元炳

使歸團練河南

鴻溝幾曲走中原嶽色蒼茫二室尊大地井田終古在平
生官禮向誰論雍容車杖尋隣里泱泱風煙在國門老我
殘經守中說河汾相望幾人存

李宮山解元

璣

奉其先人仁山都轉

百齡

深柳書堂遺

照請題

禁柳飛花滿液池朝天驄馬繫風嘶十年冷絮飄殘夢百
尺清陰長舊枝王粲聲名虛弱歲李舟行誼重當時蒼梧
雲氣昏如墨五畝鄉園舊隴悲

以張雪鴻畫蘆花鷺絲幘贈范雲吉比部泰亨並其猶

子搏九連鵬

畫師年少昇平日小舫清溪出遊劇一雙屬玉無人處渴
飲溪流飽拳立淺水蘆花何限秋平居食宿儘優游養成
毛羽青天上闔闔門開詆蕩蕩

壽陽師見示古銅解詩屬和解爲道光初年師直南齋
賜物其柢亞文中有古篆武進李願釋其文爲杜簣
撰也

一爵幾升堂上澣蒲牢猛簾官中斷平公杜舉遂千年翠
駁雷文著名款昔者承恩壺嶠重今茲樂酒桑榆暖澂懷
回首卅年間我後生時合觴滿

乞潘星齋侍郎同年曾瑩畫扇

清暉屏障出吾家絕代南田又草花三樹未妨門戟重一

簪曾竝帽簷斜玉堂平遠驚秋夢聞戴鹿牀侍錦帳消沈

斷晚槎中吳蘇常時皆新陷能與鷗波同點筆水晶宮裏識年華

贈彭恬舫太守安瀾出都並寄補侯憲副彭君時爲當

竣地事

蕭蕭鶴骨聳山肩修士風期老更虔珠履未歸天監籍青

囊元是地行仙朱輪繡轂看行縣白嶽青山尙控弦聞道

宣城重誓節軍諮右席待君賢

高麗銅鐘拓本歌

鐘舊爲高麗人寄贈呂中丞任孫者紀年大安庚

午南原府前副正劉弋造張君德容考是金衛紹

王永濟建元馮子志沂又謂大安二年並非庚午

亦非庚申或當是天泰耳太泰省文而蒲鮮萬奴
僭竊僞張高麗不宜承用獨國旣稱高麗斷是明
以前物此爲朱氏拓本今歸董氏屬魯川乞余爲
此詩也

朝鮮詩人李尙迪歲昨寄我百濟碑平生金石不挂眼中
經未悉何四夷高麗銅鐘又晚出呂收朱拓徵文詞大安
年月紀剏造厥衛紹王永濟時奉金正朔在東史歷世僂
屈更仁熙庚申庚午又恍惚或言天泰滋然疑馮張所說
各有據我更濶略其何知南原獨識古龍郡帶方早屬高
句麗新羅并吞自百濟蘇烈曾濟城山師遂戮九嬰靖洶
水敘績想復銘尊彝百年疊鐘此州里熊津馬韓孰所司
同心香火奉西寺詎有舊部存文思華風好古溺翁阮殷

盤夏鼎周敵區東邦聲詩久澤被吉金拙致還齋咨毘陵
中丞骨朽矣黑水毒淫迷武谿錦咸瓊搗頓灰燼董君此
拓誰將遺歐巴島人昨來款入一大縱蹶通維五鄰三韓
幾離合安東古塏愁龜螭還君此本爲歎息浮金弗識吾
其癡

宋拓大觀帖殘本歌

大觀帖殘本三卷一右軍濶轉等十七帖卷八缺
廿一帖一大令相過等十八帖卷九缺廿一帖一
大令桓江州等卅一帖卷十無缺有冠軍一帖淳
化重見卷九大觀刪之非缺也又有隋僧智永足
下還來一帖在卷五中今僅存附卷八之首審是
樵場拓本此隋僧帖比之李春湖侍郎所藏第五

卷令西湖僧摹勒之本允合壽陽師相所得北平
翁氏舊藏卷六殘本右軍書十餘帖耳獨彼紙墨
精美或疑是太清樓初拓賜諸臣本非椎場本所
及其信然歟此本楮墨較爲粗率然一見知宋拓
非復後時所有咸豐七年乙卯春偶遊厥肆得之
今數年矣重加潢治作歌以俟大雅鑒定

昇元祖帖世無有清化秘閣爭流傳侍書著錄頗淆雜棗
木斷裂成飛煙道君皇帝好文事太清磐石重摹鐫時方
休盛備名物豈如草創興國年元朝真蹟出內府校讎一
一後勝前太師名筆署款識精別等又龍大淵藝林奇珍
遂振古詎意人巧天連遘汴京遽歿靖康甌人物轉徙悲
滄田偶聞遺本有一二諱字缺剝亮不全我疑烏珠事戎

略神妙豈暇窮毫顛縱橫兵燹孰馱載幸不春日亦礎礪

康王揚州曾飲馬輦致是物容裏瓊椎場椎搗出扈從神

物在世猶戔戔鳳毛虬鱗本希代櫪馬驚恠非幽玄鉗據

蟬翼多屨鼎臨江潭絳紛題箋中原獨此渺再刻高行潤

真惟寶賢世傳大觀多以寶賢堂作偽或云晉府本以胡

僧奏刀逞雄恠瓊寶間出歸臨川李侍郎壽陽一卷獨晚

見神春萬筆蘇齋窮斟詮翁氏題考防風專車祇一節何

夾淖漉明淮蟻春風草市雪穿履眼明餓隸真奇緣龍跳

虎卧自天闕規矩左右殊方圓平生金石弗拉眼對此不

覺傾囊錢驪珠探得又義獻茲事絕擅吾家偏濶久彫零

廿四帖昆璧羅列珉非硃黃甘元度十一耳會稽謝郡知

尤賢大令從來致散朗相過諸舍紛聯翩江州世雖羈雜

冊三兩缺一獨全服油月終更渾練冠軍一帖刪重編平

時聚訟畏徵據心折米黃能考研俗書姿媚或嘲戲絕世

要知殊錦纏蚌胎懷川玉出璞異物千載猶生鮮董世甯

章舊塗蠟

帖末有董世甯家鑒藏印

故家燕薊徒茫然攜歸把觀轉疑

訝觀齋走謁城西偏雖然墨素判精惡膚理璧合神珠聯

故知場估渺楮汞况值倥傯能精妍又從同舍見李刻

曾舍

人協均蓄

李氏刻 隋僧帖恰如湏涓裝池慘澹藏什襲旁有借觀

求被滿巧偷豪奪紛世態客至蕭翼空流涎吁嗟微生百

自決癖書翻墨由角鬚身閑金多豈吾事肯以玩物滋尤

愆此中翰墨獨神契貧者暴富知從天得藥一足更百藥

肥顧瘦潘情早捐

曩得閣帖賈秋壑本已贈人矣

獨傷挽鬼祇目供作句

儼歸書畫船

題王嘯山太僕

發桂

岳陽晚眺圖幀放歌

我昔南下乘扁舟曾上岳陽城郭之高樓樓中仙人醉不
醒七年五度臨巴邱

龍飛天子昇平日病渴相如方

捧檄傳車萬里越熊湘苦竹黃茆柰荒驛陳陶痛哭軍幾
覆兩月星沙斷陣守鱣鯢未戮虎兕出百丈旄頭壓江阜
我歸重踏茲樓巔樓中僊人還醉眠布帆日夕出湘口狼
烽咫尺明江天大軍小軍亂豺虎黃鶴樓空漢陽渡晴川
閣外秋草荒皖公山頭碧燐舞江城卷甲拏江船瀕江萬
井餘飛烟鍾山龍虎氣蕭瑟青溪小姑骨髮填樓臺北固
江聲怒花木中冷寺門露渡江軍壘徧揚州橫野戈鋌照
淮浦中原日落天蒼黃大河中橫一葦杭長平戰鬼夜深
哭白日兵車踰太行神都佳氣仍蔥鬱鴈澈微茫漲秋綠

前驅大獲禽兩肩龍武期門繡歸纛十年雨立螭頭楯三
殿晨趨龍尾宿與君行輩接樞曹誰意塵埃窘馳逐秋風
八月浮棹路祖帳都門共誰賦海邦南去幾千程屈指那
堪舊遊處滕王高閣憐灰燼庾嶺間關罷烽警海珠明月
海幢風想像當前盡殊境縹緲汾湖接泖湖九龍山色翠
模糊山塘畫舫明燈夜烟雨樓頭月似梳翠華蹕路年時
在金粉湖山亦滄海武夷九曲廬九疊玉削吳山又兵鎧
形勝東南劇莽榛楚楓寒日照歸人披圖爲君三歎息泛
觴留得巴陵春吁嗟乎人生幾處尋行迹書畫晚知真有
益樂憂枉復論懷抱名勝都教爲戰格湘花紅湘水白洞
庭月落天深黑爲君指點君山色竹箭年來困供億醉合
與君彎一石

分題光生黜董生餽詩卷

吾門有光生神宇最英特璋琥玉溫如磨礪在瓌質文章
抱微尚中氣不旁溢大廷策萬言剛健妙心畫由來士通
方往往被齟齬誰知楹書讀不與新學律縱陽盛文章頻
歲亂草棘生材久盤鬱芒躋釋朝籍西華水曹郎饒潔奉
晨夕依人若飛鳥就我獸情昵我憐孤學疎何以爲生益
時哉雕不逝謬意託編述

董生鄒嶧英對策頗奇氣文雖未老成無挾中有恃敝門
始相見退抑抱深致君家有嚴君相遇曾海漭蒼然姿老
鳳談笑天山騎丹穴起英聲奇緣獨來贊咄哉神風引不
得三山至浮湛落曹司與我同侪僚竭來投我詩鬱勃挺
英異詩書勤灌溉宋椽各有器時艱愁熾薪揮手欲涕泗

浮雲行變滅各保歲寒志

讀史答申甫

想得山呼動地餘北門車蓋示軍初五千未必能棲壁百萬何勞急報琚伯紀書生猶敢戰老种經略未全疎知君舊學多風力慷慨須陳伏闕書

九日病卧閉關陳抱潛忽來自保陽見訪作

仙人浩劫誰能守陽九登臨好避災滿地兵戈疑夢幻閉門雞犬尙蒿萊神山曼衍魚龍戲平野悽皇甲楯哀歸去彭城問何所故人車馬自天來

錢子宓吏部

應溥

歸養索詩爲贈

承明珥筆數英賢與子相逢願執鞭滄海忽飛塵十萬神仙少別歲三千高門舊德傳書券遠道孤蹤慎橐餗他日

餘生竝江海錦楓釵砌想茫然

歸自淀園秋深病起偶行城南長椿諸寺作用杜公大雲寺贊公房韻四首

閒劇弗自料寢興昧何時偶同杜陵叟來赴贊公期衣袂
雜羌塵念釋能舍茲豆粥嗟誰勸壺飡果吾衰扣門墜黎
鐘顏赧方拙辭昏霧匿朝陽清光隔罍門前車馬寂倚
策獨遲遲花底記芳春芥壁猶有詩

支郎喜神駿胡弗秣與巾一朝千里蹶泥塗汗龍身深明
本澹約廬岳亦清新但向酒家胡未爲蓮社人感激懷中
鷁淒涼甕底芹雲雷改窟穴泳鉢獨驚鱗

霜闔六街靜沙堤九陌香憊卒甲籠東奔車鐸銀鐺大物
未可移金塗壓陳芳紅巾雖爛漫碧眼徒相翔不見香花

宴明燈猶繞牀能言空白澤交鼻任蒼黃

茆堂水齋師杖錫猶在手想當運力時披拂藉松筵宛虹
連閣道驚電照窗牖謾謾訝槐風穆穆弔烟柳由來皋壤
美乃見揚塵後偈斷亦何成平生祇多口自厓嗟忍訣茲
別獨搔首跋海入蛟鯨迷天亂雞狗循河重失馬堪復夜
深走西行道未已隻履歎奚有

趙沅青給諫

樹吉

攜示疆圉集詩卷感懷賦贈五十韻

蝸殼衡南北經年不相面一樽曾合坐秋影雙松院東洲

老豪強

貞子

設論頗高銜江陽朱公子

舉君

被學亦華倩時君

猶玉貌窈窕金閨彥溫如圭璧姿寡默竟茲宴一從冠惠

文鐵柱栽秋殿傳言疏草秘但說主攻戰我時從灞陵戎

馬備書椽稔侯本精忠堅壁據長汧諒渠飛石迅柰我圍

棘海獨嫌鮮籌略未肯聽書傳我歸仍嬾拙奔走日思倦
居隣聞給騶對客每攜扇要當夔龍接不受金張援跡疎
神則親往往心嗟善可憐塵鞅餘衡宇日空徧長星朝在
天雨雪集維霰師徒甘狃敗趨走特恣擅敵驅遂國門蝟
磔鳴驚箭滄江龍穴露鱗鬣徙滄淀東海竟揚塵三山激
飛電城居紛引避十戶九寒扇屈僂數交遊晨星幾華弁
閉關堅卧疾符牘畏連纏鄒人患當疽魯客色先變誰能
廈傾扶坐覺舟漏竈夜月掛圓冰提鈴九堠徧過從門偶
踏呼燭喜相見新詩久傳播快得牛腰券聲情悲復壯擊
誦雜妒羨岷峩鬱精英行誼馬楊賤比來况寂寞巴曲或
媮便如君文行卓深語出高狷奇躡君煮東禰美噴昵西媛
吾儕旣違俗汗納甯守卞不觀荒縣田草萊塞塘堰行愁

嘉種絕淚血惜農佃年來恥榮祿恨不獲罪譴萬石儘委
蛇一官好依戀街頭佩犢人碧眼光眈眈其來裨海遙偏
側又荒澱淫奇恣爭奪華土悲麗袷好人惡則獸百計事
涎睚交衢昨懸書主客乃謹燕都人幸無恙聊復已徵練
吾屬亦蕭閒新知且歡抃我衰子尙壯筋骨好鎔鍊背人
露肝鬲語莫觸喉轉悔思當世平勝日抄文讌松寮今落
莫畫壁蛛網罥猶留玉池波皎潔青璘片窮途傷急景與
子冰雪嚙

夜來偶訪魯川不值忽見案頭有辛亥年見贈詩輒和
其韻二首魯川頃有紀事詩言一時避地及先自殉
事者故次章及之

遊宦二十年微生數瀕死遭逢無不有世局未料此經時

昏營中造物弄奇詭可憐師友內留眼吾與子冠履旣倒
顛作劇殊未已還思天人際一一又其理騎盲夜臨池性
命薄如紙猥偷人甘狎迷亂失憂喜忽憶十年間曾觀春
旭美途窮悲晚節躑躅朔風裏

居人有貞潔懼辱得先死哀哉野強暴溝壑弗及此四郊
紛攘奪况我自奸詭敵聞驚反走曾是報恩子戎貪本無
厭縱欲乃自己忍言四洲遠人性弗同理巍峩三神山一
炬爛金紙容臺好相見傾橐能燕喜蔓葛野橫縱迢遙惜
予美會朝曠且風紺綠失衣裏

寇歸入首次韻

寇歸人漸復吾計問如何地欲生塵僻天偏得雪和高明
神鬼近原野虎狼多繡澀看長劍微生壯氣磨

黯黯歸青瑣跋跋傍赤墀未知邠父老能見漢威儀缺月
光逾潔驚風響易悲夜寒樓掖院深雪叫黃狸

輦陌雄車轟津亭冷埃烟朝官盡道側騶從尙車前到處
傳傷足何人又扣邊棘門原戲耳散轡騎悠然

憊矣燉煌卒傷哉敕勒歌百年空負爾獨力竟如何部曲
前鋒少軍諮左席多渾邪曾待命失計未休和

那信先庚急從知後甲難牛羊尊卜式雞犬羨劉安餽覆
曾幾日瓜抄猶百端麻鞋本吾分雨立柰從官

往事將誰過餘生恥自勞元龍憎世傑郭解媿鄉豪衢巷
紛傳柝封圻尙飲醪王官問何所伊雜又泉皋

潑倒中書石頻年合坐忘幾人甘縱虎何處補亡羊勢豈
分東楚謀誰建北涼絺苓真有驗枉復進昌陽

何計俟河清愁端擁漆城家山真入破苑馬獨含情短景
頻催腸幽房肯嚮明憂來須縱酒酩酊得殘生

菘

南人初北遊啖齏百不耐迂腸本藜藿獨味此寒菜冀州
土壤白朔氣懷燕代可憐人物盡草木特愛薺秋來好霜
風砭骨起沈痾黃芽茁畦圃壓擔已新刈窮冬積雪深筐
莖更負戴憶從遊少年夜醒酒渴肺壅瓶倒墻隈漬齒霜
根淬年來歎搖落爛熟喜燂焙盤盂滃香色玉質光照鋟
豚羔肥美奪得氣飽沆瀣百蔬措大祿於此尤戀愛大哉
君子德錄錄越儕輩簞瓢陋巷賢王佐寶鼎鼐如何世奴
妾箇筍甘破碎鳳庖麟脯中食籍雜葷穢坐令哀憫色不
及頗稜隊吾將鋤馬齒撥雪事耕耒不然屏粒鮮老死湖

桑垞

梨

把蔬誠主恩泥客尤快果譬逢塵埃內佳士意先可詎無
南邨楊亦有東田蔬山桃碧玉片石榴水精卵雞頭殼刺
攢馬湮囊漿彈凡材紛軟美猥物多細瑣匪唯殊性質直
恐生口甌豈如御宿珍一笑交州麼盈筐堆厯落陳案出
磊砢含馨氣自洌切玉光先瑳當其困中熱炎暍或炙輞
齒牙沁冰雪入口消煩情清甘窮舉似詩味襄陽頗灑然
又雋特毋乃文馬左不圖九陌中見此盤薄羸拚當棄雞
肋日啖三百顆吾生起湘南柑荔盛垂朶橘香愁枳心幽
夢思鄉儺人心要有主失路無一安不聞哀仲歎能得洞
庭裏

夜飲黃翔雲兵部

鶴

寓齋聽彈琴作

衰陽遁空雪霰霏山童水壑百卉腓高齋會客聊永夕醉
飽不川思蕨薇主人四壁蒲與韋匡牀瑟瑟明螺徽率然
有請弗我違危襟斂顏一再揮天寒道遠客不歸隴岡日
落摧征騑洞房連闥生蚺蜥有女在室垂空幃漫漫長宵
寂以欲蒹蘆水深鴻雁饑豚魚舞風百尺磯斷蓬隨風何
所依我生未識如呼豨樂人伶官荒是非看君十指衡氣
機悄然已復聲微稀重華在天泣二妃薰風拂人零或沂
秦箏趙瑟疾鄭衛况乃琵琶笛充皇畿我言徒大人所譏爲
君偶發情庶幾世間此器危乎微勸君韜錦慎輕發糗藜
何處棲巖扉

日來霧淞魯川邀飲許海秋家歸檢惜抱軒集中新城

道中書所見篇輒步其韻畧兩君

曉窗日薄層雲遮曙啼迷失林間雅開門疑雨復疑雪千
樹萬樹開銀花燕山歲寒眾木赤瑣碎忽復生槎枒搓酥
滴粉好詞句欲狀所見慙春葩滕神昨者曾翦冰未若百
琲編重瑯西山疑疑本龍角倏忽不見青陰訝拂衣黏濕
警夙露照眼芒刺忘朝霞頗聞田夫祝飯甕甌婁篝與汙
邪車昔年達官已橫折咎極豈復成休佳時危道衰百事
戾慙此蜉羽羣衣麻南山元豹將孰隱活國無計何論家
三朝兩朝十五里人力不到其天耶惜翁先我會百載元
理論略言非夸詎知吾黨樂今夕觥罰不辭千百加歸塗
滑澁車生角覆死那愁輿輻斜

越日開霽所見益奇疊用前韻命之曰樹稼篇

曙色猶爲林烟遮
喳喳啞啞屋角鴉
今朝陽曦更遭絕
珎玕琪樹寒猶花
初看連枝茁蓓蕾
旋訝疊蕊攢杈榫
正如銀花開火樹
俄頃坼甲紛奇葩
漸聞泌沔轉飄泊
滿地落屑驚瓊瑯
眼前好景惜已逝
恨不洞壑藏餘衍
南中稻田五六月
每憶亭午鋪雲霞
信知嘉名稱樹稼
定可吉兆盈田車
年來五兵震寰海
所幸百穀頻豐佳
災祥迭見還並出
世事得不如亂麻
敢將霧淞鄙俗諺
亦有雩雩論專家
地騰天降竟有此
休咎安用疑稽耶
我今形象且占祝
無田有粟愁自夸
崧原凍耳霧如夢
夢食得飽吾何加
高鄰酒熟更相召
醉倒一任烏飛斜

讀耨經室詩贈霞舉

豫章風動日輪摧
斫地王郎歌莫哀
京洛昔曾多老宿
河

汾今剩此雄才文園寂寞思奇售武庫縱橫厭薄材歲月
崢嶸冰霰急百年身世掌中杯

長至日邀諸君集寓齋

茫茫海溼與江潯跋扈狼星夜未沈但使微陽肯來復何
憂多難日相尋蕭條倦馬投林意悽切荒農負耒心節物
暫忘形影獨漫燒短燭對哀吟

將扈熱河書感

聖祖黃金作室年木蘭行帳集囊韃河山莽蒼雄三衛車
服雍容靜九邊威略屢朝思服習儉恭

先帝豈安便

小臣

何意延秋後更逐青羸赴塞烟

灤陽番直出入古北口關十二月廿七夜宿密雲縣齋
書壁時踰立春已三日矣

亂石危梯路百盤
遼空冰雪正漫漫
關山行旅家何在
天地烽塵歲又闌
玉節故人愁識尹
篠驂同學喜當官
東風休問人間世
泛濺屠蘇盡倚鞍